

北京圖書館 編

北京圖書館藏珍本
年譜
叢刊



第 130 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 130 冊



第一三〇冊目錄

繩樞齋年譜	一
守拙居士自編年譜	二〇五
王伯申先生年譜	二六三
顧千里先生年譜	三一
顧千里先生年譜	三一
生述	三三
卞徵君年譜	五五
彭湘涵先生年譜	五九

繩樞齋年譜卷上

礪堂自次 次男爵遠謹附注

乾隆三十一年丙戌一歲

三月三十日寅時余生於先大夫江蘇

布政司理問官廨先大夫命名曰攸銛

後字之曰穎芳

不孝爵遠謹案吾蔣氏之先為浙江諸暨人始

祖武勇公諱貴明宣德中以征麓川

功封定西侯後追封涇國公次子諱

忠蔭遼東衛指揮駐牧羊城因家焉

又數傳至隆山公諱世瑚順治元年

從入關遂隸鑲藍旗漢軍籍定居固

安縣又數傳至府君高祖干高公諱

浩德歷官雲南督標右營遊擊曾祖集公公諱毓英累官江西按察使遷

浙江布政使始居滿城鄉里有善人之目至今稱之康熙四十五年崇祀

誥贈光祿大夫 宦道光八年以府君官太子太傅體仁閣大學士

誥贈一 品太夫人祖考羅村公諱國祥歷官兩江總督曾祖妣陳氏

誥贈光祿大夫 太子太傅體仁閣大學士長蘆鹽運使

誥贈一 品太夫人祖妣鄭氏姚氏劉氏並兩江總督祖妣鄭氏姚氏劉氏並

君考臨皋公諱韶年蘿村公任都轉因公被議奉

旨往軍臺効力年已七十有七臨皋公在部具呈以父篤老願往代戍奏蒙

恩准蘿村公歸後一年卒復奉特旨准令回旗治喪宗族稱孝以

欽定皇清

文穎館膳錄議敘州同分發江蘇借補布政司理問歷官山東平度州知

州

誥贈光祿

大夫

太子太傅體仁閣大學士

誥贈

兩江總督

姚李氏趙氏生妣徐氏並

太夫人臨臬公

生二子長為先伯

父約園公諱攸

欽雲南河陽縣典史

出為伯祖衡之

公後長於府君三十

餘歲李太夫人

出徐太夫人禱於吳

門五塢山而生

府君臨臬公暨趙太

夫人並鍾愛焉

門

下士朱昌頤謹

填諱

三十二年丁亥二歲

三十三年戊子三歲

三十四年己丑四歲

始就塾從黃岡高先生學

府君嘗云四歲從師授毛詩晨起外
大母黃孺人親攜至書室院前下學
時師送至內室院門外日以爲常又
云余幼多病賴外大母黃朝夕調護
得痊後黃孺人卒府君爲合葬于蘇
州感慈鵬新塋戊申奉
使閩中歸途展謁泊撫兩浙道出吳中復往墓
次祭掃補栽塋樹屬村隣陸陳二姓
加封
殖焉

三十五年庚寅五歲

先大夫擢山東平度州知州

府君繩樞齋詩集自註余將隨任平
度高先生旋楚余賦詩贈行有此時

揮手別後曾在何年之
句師以其年幼賞之

二十六年辛卯六歲

三十七年壬辰七歲

冬先大夫以忤上官去任

臨臯公在平度三年重農桑興學校
拯災恤患規畫甚備見州民納糧自
封投櫃卽指以示府君曰閭閻疾苦
不可不知也乃以承審案件失出被
劾去任之日州民攀轅
感泣走送數十里外

三十八年癸巳八歲

先大夫卜居寶坻縣林亭鎮長兄白滇

南罷官歸

臨皋公歸後賃廡以居至是始構數椽僅蔽風雨時伯父方任滇南河陽典史亦以事引退食指既多幾無以贍朝夕臨皋公自課府君讀書嘯歌自得忘其境之屢空也

三十九年甲午九歲

四十年乙未十歲

始習爲制義

臨皋公遠於經學代戍軍臺時嘗受易於德州盧雅雨先生於象數義理觀其會通至是日爲府君從容講貫以次徧及諸經復課府君作文舉示

先正義法俾知所蘄嚮府君嘗言我
十歲學爲文以人一已百自勉門前
報賽演劇從不往
觀故文思日進

四十一年丙申十一歲

四十二年丁酉十二歲

府君是時諸經旣畢臨臯公乃授以
涑水通鑑紫陽綱目於政治得失人
才邪正及一朝治亂興衰之故剖析
詳盡府君嘗言我十一二歲時好閱
乙部書日暮卷未終輒
就簷際閱之目遂短視

四十三年戊戌十三歲

補博士弟子員

是時學使者爲少司空鎮洋汪時齋先生諱延璵四書題爲出於其類拔乎其萃府君嘗言余十三四歲時無力延師每課期先一日赴隣村講貫過石橋柳岸有春風舞雩之致

四十四年己亥十四歲

長兄約園卒

約園公早卒無嗣府君每遇忌日獨坐涕下有脊令折翼淚如泉回首音塵已十年之句蓋府君感念同氣久而彌深如此並爲之舉葬立嗣以承宗祧

四十五年庚子十五歲

七月入都應鄉試問業於雲夢許石泉
秋巖兩先生

石泉先生諱兆棠秋巖先生諱兆椿
時同官京師府君入都鄉試僦居貢
院後街往問業焉兩先生負人倫鑒
一見卽許以大器訓迪諄切視他弟
于有知學日以進○又案府君幼所
從師若平湖韓先生泰來又歸安沈
先生權衡府君撫浙時訪求兩先生
後人資其膏火勉以讀書敦行上繼
家聲蓋府君於師友淵
源風誼篤摯類如此

四十六年辛丑十六歲

十月歲試一等食餼

是年學使爲詹事吳江金聽濤先生
士松

四十七年壬寅十七歲

先大夫爲余訂姻寧夏馬氏攜往德州
就婚

先外大父馬中齋先生諱乾和甘肅
寧夏人乾隆甲子武舉人歷官漕標
中軍副將時僑居德州之桑園村臨
臯公攜府君往就婚焉府君嘗謂自
潞河至德州臨臯公於舟中日課以
詩又嘗手寫古人誠子語數十則爲
訓府君裴潢成
冊奉以終身

四十八年癸卯十八歲

鄉試中式第十五名

座主爲諸城劉文清公壩蒙自尹榮
珍先生壯圖大興翁覃溪先生方綱
房師爲丹徒茅耕亭先生元銘
爲仙露明珠劉文清公閱府君卷至
欽命詩題
詩項聯夜靜珠騰海天高露洗秋十
字擊節歎賞謂當作太平宰相先是
徐太夫人夢人送報錄至見府君
中式第十五名榜發果相符合

四十九年甲辰十九歲

會試中式第五十四名

座主爲漳浦蔡文恭公新長白德文
莊公保獻縣紀文達公昀仁和胡文
恪公高望房師爲吳縣吳曇緒先生
俊是科漢軍僅中一卷胡文恪公先

取中兩卷揭曉前始擯其一乃艾孝廉崇禮也其人宿學府君暮年猶亟稱之

殿試第二甲第三十二名

朝考第十七名

恩改翰林院庶吉士

五十年乙巳二十歲

元旦

覃恩敕封父母如例充

武英殿協修官

國史館纂修官

府君嘗言在館職時與同事濟陽孫公寄圃宛平初公頤園兩前輩朝夕切劘尤相矜契

五十一年丙午二十一歲

府君嘗言爲庶常時月應館課二次復與諸同年會課常日作五言排律一首有事則燈下補成之寒暑無間今藏有繩牀齋詩賦八卷皆府君館課也又雪鴻紀蹟詩注寒夜讀書率至漏下二十刻

五十二年丁未二十二歲

散館授職編修奏辦院事

府君辦院事時在西苑領

見排單府君按省時相忽索新進士引

回署核對金榜一無舛者蓋府君記性絕人過目輒不忘同僚咸爲驚服

充庶常館提調恭校

西苑文源閣四庫全書蒙

恩賜鮮果茶食紗緞有差

府君初爲編修卽蒙院長阿文成公推許謂人甚正氣每派差使必先及焉一日入白事畢文成公顧語曰子器識宏遠老夫此坐他日當屬子矣其賞識如此